

МЕСЯЦА АВГУСТА В 26-й ДЕНЬ

Срѣтение чудотворныя иконы
Пресвятыя Богородицы,
яже нарицается «Владимирская»

ВЕЧЕР

Блажен муж: На Господи, возвах: стихиры на 8,
глас 4.

Подобен: Яко дѡбля:

Яко светонѡсная палата / и одр всезлатѣй,
Богородице Владѣчице: / Ты бо Слово
Божіе / во Твоихъ ложеснахъ вместила еси, / и,
рождши намъ Сѡлнце незаходимое, / Свет
невечерній, / наша прежде неразуміемъ омрачен-
ная сердца / благоразуміемъ осветила еси, / и лсти
тѣму разорѣла еси.

Твоимъ Рождествомъ адова крепость разорѣся, / и
все человечество спасено бысть, / ныне же Твоими
молѣтвами / враговъ нашихъ шатаніе низложи, / и
крепость ихъ сокруши, / и людемъ Твоимъ победы на
враги даруй, / да посрамятся вси, / являющии
рабѡмъ Твоимъ злая.

Богородице Владѣчице, / державная Помощни-
це, / укрепи славящую Тя страну на враги, / да
якоже древле спасла еси Царскій градъ отъ нахож-
денія поганыхъ, / тако и ныне спаси страну Россій-
скую отъ нахожденія вражия, / отъ междоусѡбныя
рати, / отъ глѡда же и труса, / Дѡво Неискусобрач-
ная. / Сего ради Тя славитъ страна Россійская, /
человекомъ Помощницу.

Ныне страна Российская / о Тебе хвалится и веселится, / имеючи Тя Заступницу непостыдную / и стену нерушиму, / граду нашему непоколебимое основание, / стража неусыпна земли Российския. / Не престай ныне Твоими, Госпоже, молитвами / избавляти Твой град и люди от всех бед.

Тебе припадают, Госпоже, / святителей сословие и собори, / совокупление всех, монаси и прости / и весь народ, умильно молящися, / Тебе ныне кланяющися, / и любезно целующе Твой образ, / и молящися, глаголют: / чтущий Тя град всегда спаса́й от всех бед.

Ины стихиры, глас 8.

Подобен: О, преславнаго чудесе:

О, преславнаго чудесе! / Иже невместимый небесы, / и Ангелы славимый, / и от Серафимов поемый, / на землю сошед, в Твою утробу вместися / и ключа девства не разруши, / наше естество, древле от диавола мучимо, изыят / и весь род человеческий свободи, / Тебе же, Госпоже, Заступницу нам дарова. / Тем не престай сохраняти / и спасати души наша, яко Милосерда.

О, преславнаго чудесе! / Се заступление прииде, / супротивление низложися, / град наш спаси, / враги наша прожени / и нас, рабов Твоих, Твоею милостию возвесели. / О Божия Слова селение! / Род человеческий, чтущий Тя, / всегда спаса́й от всех бед.

Подажь утешение Твоим рабом, Чистая, / напастями одержимым, / и рог верных вознеси, / Богородительнице Марие, / спаси молитвами Твоими град Твой неразрушим, / и варварская шатания низложит, / и нас, рабов Твоих, Безневестная, / хвалящих Тя, спаси.

Слава, и ныне, глас 8:

Приидите, россиястии собори, / приидите, верных совокупления, / в сретение Царицы Богоотроковицы: / се бо грядет Царица Своим образом честным, / спасти град и люди, от сопостатных поган невоеваны. / О, чудо велие и преславное / и пребольша ума! / Како пришествием честнаго Ея

образа сопротивнии побеждаются / и отечество наше утверждается? / Ночь упразднится, и день приблизится. / Егѡже ради Тебѣ, винѹ спасѣния нашего, естество наше приѣмлет / и вся тварь воспевает, Ти зовѹщи: / радуйся, Предстательнице, и Помощнице, / и спасѣние душ наших.

Вход. Прокімен дне. Чтѣния три.

Бытія чтѣние (глава 28):

Изѣде Иаков от студенца клятвеннаго и ѣде в Харрань. / И обрѣте мѣсто, и спа тамо, / зайде бо солнце; / и взят от каменія мѣста того, / и положи възглавіе себѣ, / и спа на мѣсте оном, и сон виде. / И се лѣствица, утверждена на землі, / еяже глава досязаше до небѣс, / и Ангели Бѡжии восхождаху и низхождаху по ней. / Господь же утверждашеся на ней и рече: / Аз Бог Авраамов, отца твоего, и Бог Исааков, не бойся. / Земля, идеже ты спиши на ней, / тебѣ дам ю и семени твоему. / И будет семя твоѣ, яко песок земный, / и распространится на море, и ливу, и север, и на востоки, / и возблагословятся о тебѣ вся колѣна земная и о семени твоѣм. / И се Аз с тобою, сохраняяй ты на всяком пути, а може аще пойдѣши. / И возвращу ты в землю сию, яко не имам тебѣ оставити, / дондеже сотвори ти Ми вся, елика глаголах тебѣ. / И воста Иаков от сна своего и рече: / яко есть Господь на мѣсте сем, аз же не ведех. / И убойся, и рече: / яко страшно мѣсто сие, / несть сие, но дом Бѡжий, / и сия врата Небесная.

Пророчества Иезекиилева чтѣние

(главы 43 и 44):

Тако глаголет Господь: / будет от дне осмаго и прочее, / сотворят иерѣи на олтарѣ всесожжѣния вашего / и яже спасѣния вашего, / и приму вы, глаголет Адонай Господь. / И обратѣ мя на путь врат святыхъ внешнихъ, зрящихъ на востоки, и сия бяху затворѣна. / И рече Господь ко мне: / врата сия затворѣна будут и не отвѣрзутся, / и никтоже пройдетъ сквозѣ их, / яко Господь, Бог Израилев, пройдетъ ими, и будут затворѣна. / Яко игумен сядетъ в нихъ снѣсти хлебъ, / по пути еламскихъ вратъ внидетъ

и по пути его изыдет. / И введё мя по пути врат святых, сущих к северу, прямо храму, / и видех, и се исполнь славы храм Господень.

Притчей чтение (глава 9):

Премудрость созда себе дом и утверди столпов семь. / Закла своя жертвенная, и раствори в чаше своей вино, / и уготова свою трапезу. / Посла своя рабы, созываючи с высоким проповеданием на чашу, глаголющи: / иже есть безумен, да уклонится ко мне. / И тробующим ума рече: / приидите, ядите мой хлеб и пейте вино, еже растворих вам. / Оставете безумие, и живи будете. / И възщите разума, да поживете / и исправите разум в ведении. / Наказуяй злыя примет себе безчестие, / обличаяй же нечестиваго опорочит себе, / обличение бо нечестивому — раны ему. / Не обличай злых, да не возненавидят тебе, / обличай премудра, и возлюбит тя. / Дажь премудрому вино, и премудрший будет. / Сказуй праведному, и приложит примати. / Начало премудрости — страх Господень, / и совет святых — разум. / Разумети бо закон помысла есть благаго: / сим бо образом многое поживеши время, / и приложатся тебе лета живота.

На литии стихиры, глас 2. Самогласны:

Яко воистинну древняго кивота пречестнее, / егда Давид, собрав чины, ликовствовалаше, / ныне Твоя, Богородице, икона, / ейже предстоят архиереев собори, / и с чинми Ангел, / и все христоименитых людей множество / достойно блажат Тя, Матерь Божию, / и прославляют раболепно, / и чествуют, и поклоняются, / и молятся Тебе по Бозе: / да мир умириши в православии, / и отечество утвердиши, / и спасеши от всех зол Твоя рабы, / яко едина Благословенная.

Предстоят Ти, Госпоже Богородице, / пред Твоим, Пречистая, образом, / архиереев сословие и вси людие, / монаси и простии, / ведуще Тя воистинну Помощницу сильну и непобедиму, / моления Тебе приносят от всея души подвижаются / и поущают на молитву к Богу, / тробующе Твоея

пóмоци, / да прострѣши богонóсныя Твоя рúки / и умóлиши за мир. / Вонмí и услýши, Владычице, / и подáждь утешѣние рабóм Твоим, / дóндеже не одолѣют ны грехí наша тýжкия и лúтыя: / Твоей бо всегда трѣбуем вси пóмоци.

Глас 8: Пѣрвое написавшейся Твоей икóне / евангелских таин благовѣстником / и к Тебѣ, Царíце, принесѣнной, / да усвоиши ту / и сýльну соделаеши спастí чествýющия Тя. / И порáдовалася есí, яко сýщи Мíлостива, / спасѣния нашего Содѣтельница, / яко устá и глас икóне бýвше, / якоже и Бóга внегда зачинаýщи во чрѣве, / песнь воспѣла есí: / се отныне ублажáт Мя вси рóди. / И, на ту зрýщи, глаго́лала есí со вла́стию: / с сим óбразом благодáть Моя и сýла. / И мы íстинно вѣруем, яко се рекла есí, Госпожé: / сим óбразом с нами есí. / Тем благоговѣ́но предсто́яще, покланя́емся Тебѣ, рабí Твой: / посетí ны Твоими Мáтерними щедрóтами.

Глас 7: Горá есí великая и преслáвная, / пáче горы Сина́йския, Богорóдице. / Она́ бо, не терпяше снítия слáвы Бóжия, во óбразех и сѣнех, / огнем возгарáшеся, / и грóми и мóлнии тáмо бýша. / Ты же, весь Божѣственный огонь сущ, / Бóжие Слово во чрѣве Твоём неопáльно носýла есí / и от сосѣц Твоих млекóм питáла есí мáнием Носýщаго вся. / И Мáтернее дерзновѣ́ние к Немý имúщи, / помозí, Владычице, вѣрно прáзднующим Твой честный прáздник / и не забúди, мíлостивно посещáющи, / прияла бо есí от Бóга дар / стрóити и покрывáти христоименíтое ста́до, рабí Твоя.

Слáва, и ны́не, глас 6:

Тебѣ вси рóди чело́вечести / хвáльныя дáры прино́сят, Владычице, / и мо́лятся я́ко Царíце и Мáтери Бóжии, / проро́цы Тя премúдро проповѣдаша, / левíти благословíша, / апóстоли и мýченицы исповѣдаша, / вся сослóвия покланя́ются, / архиерее́е проповѣдают, / мона́си и прости́и благоговѣ́ют, / богáтии и убóзии, сироты́ и вдовы́, / и всяк вóзраст, и вся́ко преспѣ́яние, / стáрческое и млáденческое, / под кров Твой держáвный с вѣрою

прибегáем: / покрый и соблюди, Госпоже, моли́твами Тво́ими / и спаси́ от бед ду́ши на́ша.

На стихóвне стихи́ры, глас 8.

Подóбен: Чтó вас наречём:

Чтó Тя наречём, Богорóдице Влады́чице? / Кóрень ли Иессéев? / От Тебé бо нам Христóс, я́ко цвет, изы́де. / Мánну ли, вёрных сердца́ усажда́ющую Тво́им Рождество́м? / Руно́ Гедео́ново? / На Тя бо Христóс, я́ко роса́, сны́де / и Тя Засту́пницу нам показá. / Егóже моли́ спасти́ ду́ши на́ша.

Стих: Слы́ши, Дщи, и виждь, / и приклони́ у́хо Твоё.

Да вси похва́лим, вёрнии, / таковó нам заступле́ние да́вшую непосты́дное, / и непреборимое на врагí одолéние побéдное, / и нам всем спасéние, / и граду́ на́шему стéну и покрóв, / и основáние непоколебимое, / и отéчеству на́шему на сопоста́ты посóбие, / и непобедимую побéду.

Стих: Кля́тся Господь Дави́ду и́стиною / и не отвер́жется ея́.

Досто́йно Тя блажи́т челове́ческий род, Чы́стая, / я́ко спаса́еши чту́щая Тя от всех бед. / Ты бо, Госпоже́ Де́во Чы́стая, / Засту́пница непосты́дная Тво́им рабóм показáлася еси́ / и Моли́твенница теплá к Бо́гу / от находя́щих скорбей. / Тобо́ю ва́рварская шата́ния разруша́ются / и стрéлы вра́жия упражня́ются, / и, раби́ Твои́, от одержáщих бед избáвльшеся, / Тя, Богома́ти, пёсньми ублажа́ем.

Сла́ва, и ны́не, глас то́йже. Самогласен:

Да ра́дуются росси́йстии собо́ри, / да ликовству́ет естество́, / я́ко Твоего́, Чы́стая, честна́го о́браза прише́ствием / град наш спаса́ется, / раби́ Твои́, от одержáщая ну́жды избáвльшеся, / Тебе́, Чы́стая, взыва́ют: / ра́дуйся, до́брых ви́новная, / и Засту́пнице непосты́дная, / и спасéние душ на́ших.

Тропа́рь, глас 4:

Днесь свéтло красу́ется сла́внейший град Москвá, / я́ко зарю́ со́лнечную, восприёмши, Влады́чице, / чудотво́рную Твою́ ико́ну, / к нейже

ныне мы притекающе и молящися Тебѣ, взываем
сѣце: / о пречудная Владычице Богородице! / Мо-
лися из Тебѣ воплощенному Христу Богу нашему, /
да избавит град сей и вся грады и страны
христианския / невредимы от всех навет вражиих /
и спасет души наша, яко Милосерд.

**Тропарь Пресвятей Богородице ради иконы Ея «Елец-
кия-Владимирския» зри на страницах 90—91.**

НА УТРЕНИ

По 1-й стихологии седален, глас 4.

Подобен: Удивися Иосиф:

Божественными зарями просвети поющая Тя и
умы утверди, Непорочная Дѣво, / крепкая Заступ-
нице мѣра всего. / Темже торжествуем вси, лоб-
вию поюще Тя и пришествие Твоего образа
славяще: / не престай, Дѣво, молитвами Твоими
спасаючи рабы Твоя от всякия беды, / едина
Благословенная.

Слава, и ныне, Богородичен:

Невесто Неискусобрачная, премудрости село
показася утроба Твоя Бога Слова: / Ты бо едина,
Мати Божия, благих Ходатаица явившися, / вся-
ких страстей избави рабы Твоя, непрестанно
воспевающая славу Твою.

По 2-й стихологии седален, глас 3.

Подобен: Красоте дѣвства:

Яко звезда многосветлая, взыде от востока к
западу Твой образ, Богомати, / озари скорби тьмою
одержимых, и прещения враг избави, / и, вся тех
сети разрушив, явися Предстательница крепкая, /
оружие непобедимое на враги миру всему: / из
Тебѣ бо всех Владыка плоть приим, вся человеки
обожѣ.

Слава, и ныне, тойже.

По полиелѣи припѣв:

Достойно есть величати Тя, Богородице, / че-
стнейшую Херувим / и славнейшую без сравнения
Серафим.

Псалом избранный: Бóже, суд Твой царéви даждь:

Таже седáлен, глас 1:

Блажéнна еси Ты, Богорóдице Чíстая, величествия Твоя кто воспéти мóжет? / Ёже чúдо страшно и чúдо вéлие содéявши, / Твоими моли́твами, Богомáти, чтúщий Тя град всегда́ свобожда́ется от всех бед, / тьмы и мечá, погáных пленéния и всякаго гнéва. / Тэмже мы, зряще честное́ образа Твоего́ пришéствие, / хва́лим, яко Царíцу воспева́юще, вёрнии, / словесы́ Тя, Чíстая, блажа́ще, глаго́лем: / Богорóдице Чíстая, моли́ воплощённаго из Тебé спастíся душáм нáшим.

Слáва, и ны́не, тойже.

Степéнна, 1-й антифон 4-го гласа. Прокí-мен: Помяну́ имя Твое́ / во всяком рóде и рóде. Стих: Слы́ши, Дщи, и виждь, и приклонí ухо Твое́. Всякое дыха́ние: Ева́нгелие от Луки́, зачáло 4.

По 50-м псалмé стихíра, глас 2:

Готóвися, всечестный́ граде Москвá, / на срéтение Дéвы Богомáтере: / се бо грядёт к тебе́ / светлое великое́ со́лнце от врат затворённых. / Тьма úбо скóрби твоея́ отгоня́ется, / свет же твоего́ весéлия исполня́ется, / бúря сопро́тивных вéтров устáвляется, / мýжие и священницы́ в печáлех сладкое́ утешéние приéмлют, / Царíце единой поклоня́ются / и, моля́щися, глаго́лют: / Пречíстая Дéво, / мольбáми Твоими́ изба́ви рабы́ Твоя́ / от всякия́ беды́ и печáли.

Канóн похвалé Богорóдицы со ирмосóм на 6 и прáздника, глас 4, на 8.

Песнь 1

Ирмос: Отвёрзу уста́ моя, / и напóлнятся Дúха, / и слово́ отры́гну Царíце Мáтери, / и явлю́ся, светло торжествúя, / и воспою́, раду́ясь, Той чудесá.

Просветí, Влады́чице, дúши нáша зарéю Божéственною, пáче умá благодáтию Твоею́, / и незави́-

стный дар подаждь ми воспéти Тя, / я́ко Помощницу челове́ческому существу́, Препéтая, / вёрное заступлéние, на врагí побéду отéчеству нашему́.

Приидíte, соберíteся, россия́тии собóри, / в пречестный храм Всенепорóчныя Влады́чицы / и возопíte, уми́льно моля́щися, к честному́ образу взира́юще: / Богороди́це Безневéстная, хва́лящая Тя спасí.

Твой, Богома́ти, всечестный о́браз / Богогласный Ева́нгелия Христо́ва списáтель, пребоже́ственный Лука́, написáв, / Творца́ всех на Твои́х честных рука́х вообрази́, / к нему́же притека́ющия напа́сти и печáли избавля́еши / и вся покрывáеши Твоею́ ми́лостию.

Храм прекра́сный, Содéтель всех еди́ну Тя обрёт, / в Тя всели́ся и челове́ки обожí. / К Нему́же за ны, Богороди́це, моли́ся, / спасти́ ны от погáных пленéния и вся́кия инья́ скóрби, находя́щая на ны, / да Твоего́ днесь о́браза срéтение всечéстно прáзднуем.

Песнь 3

Ирмо́с: Тво́я песносло́вцы, Богороди́це, / Живы́й и Незави́стный Исто́чнице, / лик себе́ совоку́пльшая, духо́вно утверди́, / в Божéственной Твое́й сла́ве / венце́в сла́вы сподóби.

Все помышлéние отвéргше, Богому́дрии, приидíte в срéтение прекра́сных зарí, / держа́щая пресвётлую лучу́, вся просвещáющую / и ми́лостию весь мир обога́щшую.

Твою́, Богома́ти, всечестную́ и чудотво́рную ико́ну россия́тии лю́ди стяжавше, / я́ко заступлéние крéпко и стéну неруши́му, / мо́лятся Ти, на врагí побéду дарова́ти отéчеству нашему́.

Облак светозáрный показáся, / росóю благодáти вся омыва́ющи телéсныя сквэрны / и дýши просвещáющи, еди́на Всепéтая.

Дре́во многопло́дно яви́лася еси́, пи́щею неги́блющею́ вся насыща́ющи, / дýши же веселя́щи, Богоневéсто Чíстая, / добродей́ния всем источí / и от скорбéй ну́жных спасí.

Ин конда́к, глас 8.**Подобен: Взбранной:**

КВзбранней Воево́де и Засту́пнице, Де́ве и Богоро́дице, / в чи́стей со́вести, ве́рою утверди́вшаяся, ру́сстии наро́ди, / невозврати́то наде́жду иму́ще, притеце́м, / к чудотво́рному Ея́ и пречи́стому о́бразу, и возопие́м Ей: / ра́дуйся, Неве́сто Нене́вестная.

Седáлен, глас 4.**Подобен: Удивися Иосиф:**

Наро́ди боголю́бвию, прииди́те в срéтение: / се бо приходи́т Де́ва, всех проро́ков превы́шши, / честны́м Свои́м о́бразом, Жизнода́теля ми́ру на рука́х имéющи, / град Свои́й сохра́нати стра́ждущий, ва́рварскую де́рзость низложи́ти, / вообрази́тися всем Хра́нительница твёрда́, / держа́ва и огражде́ние ве́рно моля́щимся.

Сла́ва, и ны́не, то́йже.**Песнь 4**

Ирмо́с: Неизсле́дный Бо́жий Совет, / е́же от Де́вы воплоще́ния / Тебе́, Вы́шняго, / проро́к Авваку́м усмотря́я, зовя́ще: / сла́ва си́ле Твое́й, Го́споди.

Го́ру превели́ю, ю́же Дани́ил ви́де, от нея́же ка́мень отсече́ся без руки́ / и вся собла́зны истни́, ве́рныя же просвети́, / и́стинное светоза́рное со́лнце пока́за, луча́ми просвеща́ющи, Богоро́дице Присноде́во.

Воору́жаются на лю́ди Твоя́, Чи́стая Богоро́дице, сы́нове Ага́рины, / злы́й совет творя́ще, гра́ды разоря́юще, ве́рныя же погубля́юще, / но Ты, Всепе́тая, Твое́ю ми́лостию вся низложи́, / исма́ильтяны враги́ покаря́ющи оте́честву на́шему.

Не́бо одушевле́но, еди́на Богома́ти, Свет ве́лий прие́мши, / вся просвеща́ющи, тьму держа́щих бед разжени́ / и нас Вы́шняго прича́стия сподо́би.

Дави́д пред киво́том ликовству́ет, леви́ти же воспева́ют, / па́че же пред Тобо́ю, Богороди́тельнице Чи́стая, / Росси́я хвала́ми я́ко Цари́цу воспева́ет, / гла́сы моле́бными приле́жно Ти вопию́щи: / ра́дуйся, Засту́пнице гра́да на́шего.

Песнь 5

Ирмос: Ужасóшася всяческая / о Божественней славе Твоей: / Ты бо, Неискусобráчная Дéво, / имела еси во утрóбе над всеми Бóга / и родила еси Безлётнаго Сына, / всем воспева́ющим Тя / мир подава́ющая.

Тебé, Богомáти, великий во прорóцех Исáия провиде дýхом, / Угль имéюще во чрéве, вёрныя просвещáющ и соблазны вся пожигáющ, / спаса́я род человек.

Жезл Аарóнов прозябла еси / и злóбный кóрень истóргнула еси, Дéво Богоневéстная, / Жизнодáтеля рóждши мíру, / Егóже моли сему́ граду спастísся от мнóгих напáстей.

Нýне úбо приступíte с весéлием, Богоизбрáнное стадо, россиястии собóри, / ко Всечестнéй Бóжии Мáтери и честный Ея́ óбраз любéзно примíte: / се бо благодáть неисчерпа́емая, воды точáщи Божественныя неоску́дно, / Ю́же, вёрнии, почтím и честнóму óбразу Ея́ поклонímся.

От кóрене Иессéева дрéво возрастé всем живóтное, / Плод úбо прозябла еси во утрóбе Твоей, Дéво Чýстая, / вся лóди насыща́ющи Твоею мýлостию.

Песнь 6

Ирмос: Божественное сие и всечестное / соверша́юще прáзднество, / Богомýдрии, Богомáтере, / приидíte, рука́ми восплéщим, / от Нея́ рóждшагося Бóга сла́вим.

От Тебé, Богомáти, истечé потóк слáдкий, / вся напая́я лóди, душ измывáя сквёрны, Богорóдице Влады́чице, / спаси́ всех, поклоня́ющихся вёрно честнóму óбразу Твоему́.

Вси úбо, совокупльшеся вкúпе, воспоём Чýстую Дéву, / Богоизбрáнную лéствицу Иáковлю, Гедéоново же руно́, радóсти Ходáтаицу, / крéпость и похвалу́ спаса́емых, Богородительницу Чýстую.

Се нýне весéлие приближа́ется, / скорбь же потреблáется, вёрнии спаса́ются, / я́ко от истóчника радóсть почерпа́юще, вýну хвала́ми воспева́ют: / раду́йся, Чýстая Влады́чице, спасéния нáшего начáток / и всех вёрных стена́ и похвала́.

Подаждь нам по́мощь мольба́ми Твои́ми, Пречи́стая Богоро́дице, / ско́рби у́бо находят на ны и печа́ли умножа́ются, врази́ ополча́ются, / но Ты, Пречи́стая, предста́вши, изба́ви, / враго́в на́ших шата́ние низложи́, на враги́ победу́ да́руй, / да посра́мятся вси, явля́ющи рабо́м Твои́м зла́я.

Конда́к, глас 8.

Подобен: Взбра́нной:

Взбра́нной Воево́де победи́тельная, / я́ко изба́вльшися от злых / пришестви́ем Твоего́ честна́го о́браза, Влады́чице Богоро́дице, / све́тло сотворя́ем пра́зднество сре́тения Твоего́ и обы́чно зове́м Ти: / ра́дуйся, Невесто́ Неневе́стная.

И́кос:

Ангел Предста́тель с Небесе́ по́слан бысть рещи́ Богоро́дице: ра́дуйся, / и, со безплóтным гласом воплоща́ема Тя зря, Го́споди, ужаса́шися, / и стоя́ше, зовы́й к Ней такова́я: / ра́дуйся, Ёю́же ра́дость возсия́ет; / ра́дуйся, Ёю́же кля́тва исче́знет. / Ра́дуйся, па́дшаго Ада́ма воззва́ние; / ра́дуйся, слез Ёвиных изба́вление. / Ра́дуйся, высотó неудобовосходи́мая челове́ческими по́мысль; / ра́дуйся, глубино́ неудобозри́мая и а́нгельскима очы́ма. / Ра́дуйся, я́ко еси́ Царе́во седа́лище; / ра́дуйся, я́ко но́сиши Нося́щаго вся. / Ра́дуйся, звездó, явля́ющая со́лнце; / ра́дуйся, ут́робо Божественна́го воплоще́ния. / Ра́дуйся, Ёю́же обновля́ется тварь; / ра́дуйся, Ёю́же покланя́емся Творцу́. / Ра́дуйся, Невесто́ Неневе́стная.

Песнь 7

Ирмо́с: *Не послужи́ша тва́ри Богому́дрии / па́че Созда́вшаго, / но, о́гненное преще́ние му́жески попра́вше, / ра́довахуся, пою́ще: / препе́тый отце́в Го́сподь и Бог, благослове́н еси́.*

Яко порфи́рою и ви́ссом, червлёною хламидо́ю, Де́во Богоро́дице Влады́чице, / град Твой Тобо́ю оде́явся, Христа́ велича́ет / и пришестви́е честна́го Твоего́ о́браза сла́вит, / я́вльшася па́че луч со́лнечных / и немра́чным све́том просвеща́юща велегласно хва́лящия Тя.

Скрижа́ли, богопи́санныя пер́стом Ду́ха, в я́рости Моисе́й сокруши́; / но в Тебе́, Чи́стая, пресла́вный Творе́ц всели́вся, невредну́ Тя сохрани́. / Ему́же поём: / оте́ц на́ших Бо́же, благослове́н еси́.

Приими́ Твои́х раб мо́льбы, Пречи́стая Де́во Богоро́дице, / непостоя́нную бу́рю ути́ши моли́твами Твои́ми / и сове́ты проти́вных враго́в разже́ни, / напа́дающих на ста́до Твое́, Всенепоро́чная Влады́чице.

Тебе́ еди́ну Помо́щницу ро́ду челове́ческому, Богоро́дице Мари́е, / Зижди́тель всех рожде́ством Свои́м назна́мена и проро́цы прообрази́ша: / ов Тя дверь, ин же Тя ло́жницу Бо́жию; / мы же Тя воспева́ем Родите́льницу Бо́жию, и Хода́таицу к Бо́гу, / и Засту́пницу от всех зол, находя́щих на ны.

Песнь 8

Ирмо́с: *О́троки благочести́выя в пещи́ / Рожде́ство Богоро́дичо спасло́ есть, / тогда́ у́бо образу́емое, / ны́не же де́йствуемое, / вселенну́ю всю воздви́зает пе́ти Тебе́: / Го́спода по́йте, дела́, / и превозно́сите Его́ во вся ве́ки.*

Ка́ко Тя, Де́во, по досто́янию воспе́ем? / Помо́щь твёрдую, Храни́тельницу жи́зни на́шей / и Хода́таицу непрело́жну к Сы́ну Твоему́ и Бо́гу на́шему, / Его́же воспева́ем и превозно́сим во ве́ки.

Цвёте прекра́сный и воня́ пи́щная, облагоуха́еши, Богоро́дице Мари́е, вся, / и спаса́еши, и от недуг исцеля́еши, бе́сы прогоня́еши. / Те́мже Ти вопие́м: / ра́дуйся, Помо́щнице всем моля́щимся ве́рным.

Столп я́вльшися, Богома́ти, нахожде́ния проти́вных отгоня́: / Тя бо чту́щим се́рдцем те́плым я́вилася еси́ стена́, и огражде́ние, / и спаси́тельное прибе́жище.

Дави́дски воспева́ем Ти песнь, го́ру Бо́жию Тя имену́юще, Пречи́стая Де́во: / Исто́чника бо су́щим приснотеку́щаго источи́ла еси́. / Его́же поём и превозно́сим во ве́ки.

Песнь 9

Ирмо́с: *Всяк земноро́дный / да взыгра́ется, Ду́хом просвеща́емь, / да торжеству́ет же Безплотных*

умов естество, / почитающее священное торжество Богоматере, / и да вопиет: / радуйся, Всеблаженная Богородице, / Чистая Приснодево.

Радости Ходатаице, возвесели наш смысл вопити Тебе, Богородице Чистая: / радуйся, Хранительнице наша, / державо, и ограждение, и спасительное прибежище.

Да восхвалят согласно Тя небо и земля, / яко Жизнодателя миру рождши: / радуйся, тихое пристанище, животных воды источниче неисчерпаемый, Владычице.

Собравшеся днесь, людие, во сретение Пречистой Божия Матере, / Яже винограда мысленного грезн носящи, / вино источающ всегда и веселия всех исполняющ, / яко Богородицу по долгу славим.

Божественная река вод животных, вся удолия напоюще, / наша соблазны, Богомати, погрузи и до конца потреби.

Светилен.

Подобен: Посетил ны:

Да почтится днесь Богомати, Зиждителя рождшая, / райских дверей отвержение и всего мира очищение, / победу давшая христоробивому воинству, / о Сей бо пророцы глаголаша, Той поклонимся.

Слава, и ныне:

Пресветлая днесь милостивная светлость, / Божия благодать, вся радостно одождяет небесными тучами, / на стези сладкия направляюще, Богородице Владычице, / всех, познавших Тя земных, Принодево, / ныне бо вся земля Российская радуется, верою Тя славящи.

На хвалитех стихиры, на 4, глас 4.

Подобен: Яко добля:

Наставницу Тя заблуждшим / и пристанище спасительное / в пучине, Владычице, и в буре, / и во искушениях, и в печалех / Христос Тя всем показа, / Сын Твой и Бог наш, / верно приходящим к Тебе. / Егоже моли от злых бед избавитися / вѣдущим Богородицу Тя воистинну.

Тлѣние потребѣла еси / и болѣзнь, Всепѣтая, дрѣвнюю всю Рождествѣм Твоим: / Живѣтъ бо мѣрови рѣдши / и смерть разрушивши, / болѣзни, Благая, исцеляеши / вѣрно образа Твоего чудеса воспѣвающих, / и любовь кланяющихся, / и чтущих Тя, Святую и честнѣйшую Наставницу.

Яко источник Тя, Препѣтая, / животѣ и благодати, источающий чудеса / и цельбу страстей душевных и телесных, / яко быстрину оставления, / милости щедрѣт неисчерпаемое море видяще, / Тебѣ припадаем, вси, оскорбляемии нынѣ, / просяще вси разрешенія будущаго мученія.

Слава, и нынѣ, глас 8:

Иже на Херувимех ѣздяй / и пѣаемый от Серафим, / сшел еси с Небесѣ прорѣчески, Блаже, / и вселился еси во утробу Чистыя Богоотроковицы, / Юже Ангели воспѣша тайно: / радуйся, радостная Дѣво, / необъятнаго яко Бога во чреве Твоем приѣмши паче слова, / от неверія в веру мир преводяща. / Слава Тебѣ, Христѣ, еди́не Милостиве и Человеколѣбче.

Славословіе великое. И отпу́ст.

НА ЛИТУРГІИ

Блаженны, от канѣна пѣсни 3-я и 6-я. Служба вся Богородицы.

Моли́тва

О Всемилостивая Госпоже Богородице, Небесная Царице, Всемощная Заступнице, непостыдное наше Упованіе! Благодаряще Тя о всех великихъ благодѣяніихъ, в роды родовъ людемъ российскимъ от Тебѣ бывшихъ, предъ пречистымъ образомъ Твоимъ молимъ Тя: сохрани градъ сей *(или: весь сию, или: святую обитель сию)* и предстоящія рабы Твоя и всю Зѣмлю Русскую от глада, губительства, землі трясенія, потѣпа, огня, мечѣ, нашествія иноплемѣнныхъ и междоусѣбныхъ брані. Сохрани и спаси, Госпоже, Великаго Господина и Отца нашего *(имя рек)*, Святѣйшаго Патриарха Московскаго и всея Руси, и Господина нашего *(имя рек)*, Преосвященнѣйшаго епископа *(или: архиепископа, или: мит-*

рополита) (*титул*), и вся Преосвященныя митрополиты, архиепископы и епископы православныя. Дажь им Церковь Россійскую добре управити, верныя овцы Христовы негиблемы соблюсти. Помяни, Владычице, и весь священнический и монашеский чин и спасение их, согрей сердца их ревностию о Бозе и достойно звания своего ходити коегождо укрепи. Спаси, Госпоже, и помилуй и вся рабы Твоя и даруй нам путь земнаго поприща без порока преити. Утверди нас в вере Христовей и во усердии ко Православней Церкви, вложи в сердца наша дух страха Божия, дух благочестия, дух смирения, в напастех терпение нам подаждь, во благоденствии — воздержание, к ближним любовь, ко врагом всепрощение, в добрых делах преуспяние. Избави нас от всякаго искушения и от окамененнаго нечувствия, в страшный же день Суда сподоби нас ходатайством Твоим стати одесную Сына Твоего, Христа Бога нашего, Емуже подобает всякая слава, честь и поклонение со Отцем и Святым Духом, ныне и присно и во веки веков. **Аминь.**

Владимирская икона Божией Матери написана Евангелистом Лукой на доске от стола, за которым трапезовал Спаситель с Пречистой Матерью и праведным Иосифом. Божия Мать, увидев этот образ, произнесла: «Отныне ублажат Меня все роды. Благодать Рождшегося от Меня и Моя с этой иконой да будет».

В 1131 году икона была прислана на Русь из Константинополя святому князю Мстиславу (†1132, память 15 апреля) и была поставлена в Девичьем монастыре Вышгорода — древнего удельного города святой равноапостольной великой княгини Ольги.

Сын Юрия Долгорукого святой Андрей Боголюбский в 1155 году принес икону во Владимир и поместил в воздвигнутом им знаменитом Успенском соборе. С того времени икона получила именование Владимирской. В 1395 году икону впервые принесли в Москву. Так благословением Божией Матери скрепились духовные узы Византии и Руси — через Киев, Владимир и Москву.



Владимирской иконе Пресвятой Богородицы празднование бывает

несколько раз в году (21 мая, 23 июня, 26 августа). Наиболее торжественное празднование совершается 26 августа, установленное в честь сретения Владимирской иконы при перенесении ее из Владимира в Москву. В 1395 году страшный завоеватель хан Тамерлан (Темир-Аксак) достиг пределов рязанских, взял город Елец и, направляясь к Москве, приблизился к берегам Дона. Великий князь Василий Димитриевич вышел с войском к Коломне и остановился на берегу Оки. Он молился святытелям Московским и преподобному Сергию о избавлении Отечества и написал Митрополиту Московскому, святителю Киприану (память 16 сентября), чтобы наступивший Успенский пост был посвящен усердным молитвам о помиловании и покаянии. Во Владимир, где находилась прославленная чудотворная икона, было послано духовенство. После литургии и молебна в праздник Успения Пресвятой Богородицы духовенство приняло икону и с крестным ходом понесло ее к Москве. Бесчисленное множество народа по обеим сторонам дороги, стоя на коленях, молило: «Мать Божия, спаси землю Русскую!» В тот самый час, когда жители Москвы встречали икону на Кучковом поле, Тамерлан дремал в своем шатре. Вдруг он увидел во сне великую гору, с вершины которой к

нему шли святители с золотыми жезлами, а над ними в лучезарном сиянии явилась Величая Жена. Она повелела ему оставить пределы России. Проснувшись в трепете, Тамерлан спросил о значении видения. Знающие ответили, что сияющая Жена есть Мать Божия, великая Защитница христиан. Тогда Тамерлан дал приказ полкам идти обратно. В память чудесного избавления Русской земли от Тамерлана на Кучковом поле, где была встречена икона, построили Сретенский монастырь, а на 26 августа было установлено всероссийское празднование в честь сретения Владимирской иконы Пресвятой Богородицы.

Пред Владимирской иконой Матери Божией свершились важнейшие события русской церковной истории: избрание и поставление святителя Ионы — Предстоятеля Автокефальной Русской Церкви (1448 г.), святителя Иова — первого Патриарха Московского и всея Руси (1589 г.), Святейшего Патриарха Тихона (1917 г.). В день празднования в честь Владимирской иконы Божией Матери совершена интронизация Святейшего Патриарха Московского и всея Руси Пимена — 21 мая/3 июня 1971 г.

Исторические дни 21 мая, 23 июня и 26 августа, связанные с этой святой иконой, стали памятными днями Русской Церкви.



В
ТОЙЖЕ
ДЕНЬ

Празднование Пресвятей Владычице нашей Богородице и Приснодеве Марии ради иконы Ея, именуемая «Елецкая-Владимирская»

Тропарь, глас 4:

Днесь светло красуется древний град Елец, /
поминающе славное чудо Пресвятыя Богородицы: /
егда бо на стогнах Первопрестольныя Москвы /
икону Ея чудную людие московстии сретяху, /
тогда Сама, Владычице, на горе Арга-

мáчстей во граде Ельце, / на срéтение нечестíвому Тамерлáну изшéдше, / грóзное егó нашéствие вспя́ть обратí. / Сегó дíвнаго явлéния изображéние на новопíсанней икóне зря́ще / и Засту́пницу на́шу за вся благодея́ния Ея́ благодаря́ще, / умíльно Ей́ взывáем: / и в прéдняя не оста́ви нас, о Ма́ти Милосéрдая.

Елецкая икона Божией Матери. Празднование этой иконе установлено в память о явлении Пресвятой Богородицы в 1395 году в городе Ельце во время нашествия татаро-монгольских полчищ на Русскую землю. Предводителю вражеских войск Тамерлану в сонном видении явилась Пресвятая Богородица, о чем сам

Тамерлан впоследствии рассказывал, что он видел Светоносную Жену, запретившую ему идти дальше. В страхе и смятении Тамерлан повелел войскам отступить от города. Так была спасена Русская земля от опасного нашествия благодаря заступничеству Царицы Небесной.



В
ТОЙЖЕ
ДЕНЬ

Святы́х мученик Адриа́на и Ната́лии

НА ВЕЧÉРНИ

На Го́споди, воззва́х: **стихи́ры святы́х, глас 4.**

Подóбен: Я́ко до́бля:

Пречестно́е страда́ние, / до́блественная борéния мучеников, сла́вне, узрéв, / самово́льне вдáлся еси́ к подвиго́м мýжеским умóм, / не пощади́в плóти любвé ра́ди Божéственныя. / Тёмже прошéл еси́ до́блественныя по́двиги, / смири́в го́рдость сопроти́внаго, / Адриа́не терпеливоду́шне.

В темни́цах затворя́емь, / волу́ями жи́лами биéмь, / желе́зами же, сла́вне, отягчевáемь / и ка́мением сокруша́емь, / со мно́жеством мученик, / с ни́миже благáя Небéсная получи́л еси́, / споспéшницу супру́жницу имéя Ната́лию, / на Бо́га упова́вшую, / Адриа́не до́блественный.

Ада́ма супру́жница из ра́я изгна́ / сове́том зми́иным; / Ната́лия же Адриа́на в ра́й премúдро введе́, / священными бесе́дами, / учéнии наказу́ющи / болéзненная страда́ния терпéти, / Не-

бѣсная воздаяннѣя ходатайствующи / и вѣчнующую славу.

Слава, глас 6:

О супруже святѣй и избраннѣй Господу! / О верстѣ изрядная и блаженная Богу! / О возжелѣнная двоице и возлюбленная Христу! / Кто не удивится о сем, / услышав сих яже вѣше человека деяния? / Како женскій пол вмужися на горькаго мучителя / и своего сверстника укрепѣ / не вдатися лютым, / но о верѣ избрати, еже умрѣти паче, неже жити? / О, богоплетѣнных глагол Наталіи премудрыя! / О, поученій Божественных, / небеса прешѣдших и к самому Престолу Великаго Царя / Адриана славнаго знаема поставльших! / Но, о двоице святая, / о нас Богу молитесь, / любовію творящих память вашу, / напастей избавити и всякия скорби.

И ныне, Богородичен или Крестобогородичен.

Подобен: Всю отложивше:

Оружие, якоже рече Симеон, / сердце Твое пройде, / Пречистая Владычице, / егда узрѣла еси из Тебѣ Возсиявшаго / неизреченным словом, / от беззаконных яко осуждена, / возносима на Крест, / оцтом и желчию напаяемаго, / ребра же прободяема, / и рuce и нозе пригвождаемы, / и, рыдаючи, восклицаше, / матерски вопиючи: / что сие, Чado Сладчайшее, новое таинство?

На стиховне Октоиха.

Слава, глас 1. Ефрема Карія:

Ревность мужа благочестива / привлече жену боголюбивую к поучению светлу; / Адриан бо всеизряднѣй, / Наталіинными глаголы приведѣся, / страдания течение совершилъ есть. / О, жены боголюбивыя нрава! / Не якоже бо Ева принесѣ Адаму тление, / но жизнь нескончаему супругу исходатаи. / Сію с мужем похваляюще, возопиѣм Христу: / даждь нам помощь молитвами святых Твоих.

И ныне, Богородичен или Крестобогородичен.

Подобен: Небесных чинов:

У Крестá предстоящи Сына и Бóга Твоегó / и долготерпéние Тогó смотряющи, / глаголаше, плачущи, Мати Чíстая: / увы Мне, Чáдо Сладчáйшее, / чтó сия страждeши неправедно, Слóве Бóжий, / да спасéши челове́чество.

Тропа́рь, глас 4:

Мученицы Твой, Гóсподи, / во страдáниях сво́их венцы́ прияша нетлénныя от Тебé, Бóга нашегo: / имúще бо крéпость Твою, / мучителей низложíша, / сокрушíша и демонов немощны́я дерзости. / Тех моли́твами / спаси́ души́ наша.

Ин тропа́рь мученику Адриáну, глас 3:

Богáтство неиздивúщее вмени́л еси́ / véру спасéнную, треблаже́нне, / оста́вь отéческое нечéстие / и Влады́ки стопа́ми шéствуя, / Божéственными даровáнии обогати́лся еси́, / Адриáне сла́вне; / Христá Бóга моли́ / спасти́ся душáм нашим.

НА УТРЕНИ

Оба канóна Окто́иха и святых на 4, глас 6.

Песнь 1

Ирмос: Я́ко по сýху, пешешéствовав Изра́иль / по бéдне стопа́ми, / гонителя́ фараóна / видя́ потопля́ема, / Бóгу побéдную песнь по́йм, вопия́ше.

В но́щи мя жити́я, сном лю́тым одержíма де́яний, / к свéту пока́яния, Бóже, воздвигни моли́твами мученик Тво́их, Христé, / да сла́влю Тя.

Восто́ком мы́сленнаго со́лнца озари́вшееся мученицы / и дне сынове бывше, / всю йдо́льскую мглу́ крéпко потреби́сте.

От устéн, иска́пающих сла́дости Божéственного рáзума, наслади́вся, Адриáне, / яд изблева́л еси́ прэжняго неразу́мня, войстинну, Богоблаже́нне.

Богорóдичен: Твоегó приéмши Содéтеля, я́ко Сам восхотé, / от безсе́менна Твоегó чрэва па́че ума́ воплоща́ема, Чíстая, / тва́рей войстинну яви́лася еси́ Влады́чица.

Песнь 3

Ирмос: Несть свят, / якоже Ты, Господи Боже мой, / вознесый рог верных Твоих, Блаже, / и утвердивый нас на камени / исповедания Твоего.

Уз избежав идольскаго суетства, мучениче, / связался еси желанием любви Христовы / и узам страдалец Его радостию приобщился еси.

Заворами* желёзными голени сокрушаеми, / страстотёрпцы Господни, / нечестия кости терпёния заворами и мужеством войстинну сокрушите.

Огнём любви Божественныя душу опаляему супруга / распалила еси желанием ко Христу, / любовь плотскую, Наталие, до конца возненавидевши.

Богородичен: Божественнаго рождества Твоего, Чистая, / всякий естества чин превосходит чудо: / Бога бо преестественне зачала еси во чреве, / и, рождши, пребываеши Приснодева.

Кондак, глас 4:

Жены Богомудрыя Божественная словеса в Сердце положив, / Адриане, мучениче Христов, к мучению усердно устремился еси, / с супругою венец приёмь.

Седален, глас 4.

Подобен: Удивися Иосиф:

Нечестия запаление благочестия орощением угасил еси, страстотёрпче, / сокрушением твоих удов идольскую крепость истнил еси, / супружницу обрет помощницу ко всем лютым, мучениче, ополчением, / с неюже в Вышнее вселился еси Царство, Адриане, крепкодушне. / Христу молися дати всем, чтущим тя, милость.

Слава, и ныне, Богородичен:

Треволнению страстными безсовестный аз обуреваемъ, Чистая, призываю Тя тепле, / да не презриши мене, окаяннаго, погибнути, бездну милосердия рождши, / разве бо Тебе, надежды не имам. / Да не, врагом убо обрадование и смех,

* заворами — колами, засовами

надéявся на Тя, явлóся, / íбо мóжеши, еlíко хóщещи, я́ко Ма́ти сýщи всех Бóга.

Крестобогорóдичен:

Дéва и А́гница, ви́девши на Крестé без сéмене из Нея́ А́гнца рóждшагося / и копíем прободéна, печáли уя́звлена стрелáми, вопíяше болéзненно, восклицáющи: / чтó нóвое та́инство? / Кáко умира́ещи, Ё́же животá ед́ин Госпóдь? / Тёмже воскрес- н́й, пáдшаго воздвизáя пра́отца.

Песнь 4

Ирмóс: Христóс мой́ сíла, / Бог и Госпóдь, / честнáя Цёрковь / боголéпно поёт, взывáющи, / от смýсла чýста о Гóсподе прáзднующи.

Христá мýченицы крéпость стяжáвше, / некрéпкое суровствó гонíтелей во́истинну попра́вше / и венцы́ побéды с Небесé при́яша.

Гнóем, всýду обтека́ющим святýх телесém, / мíро Бóгу во́истинну принесéся, / гноéние преле- сти очищáющее держáвно.

Тво́ими кровью́ одéжду обагрíл ес́и себе́ нетлéния, / совлék тлéния одéжду, / и Христý, Адриáне, со слáвою ны́не предсто́йши.

Богорóдичен: Я́ко во́истинну неизвещáнна и непостиж́има / я́же Твоегó боголéпнаго, Богорóдице, суть рождествá, / сýщим на земл́и и на Небес́и, Приснодéво, та́инства.

Песнь 5

Ирмóс: Бóжиим свéтом Тво́им, Блáже, / ўтреню- ющих Ти дýши любóвию озар́и, молóся, / Тя вéдети, Сло́ве Бóжий, / íстиннаго Бóга, / от мра́ка грехóвнаго взывáюща.

Десят́ица сугýба страдáлец с прóстою трóицею, Христá ны́не моля́ще, / разреш́иша соўз нечéстия, / сýща безкрéпостна, крéпостию Трóичною, дóблественнии.

Я́коже солнце, посреде́ стоя́ звезд свéтлых, Адриáне, / с тобóю стра́ждущих облистáл ес́и свéтом благочéстия, / нечéстия мглу́ отгна́в, и просветíл ес́и мíра концы́.

Роса глагол твоих честных / исцеление болезней
войстинну твоему супружнику бысть, / вкусившу
лучших любовь, Богомудрая Наталие, мучеников
сожительнице.

Богородичен: Богородицу Тя от души, Владычице
мира Благая, исповедающих спаси: / Тя бо
предстательство непоборимое имама, / истинную
Богородительницу.

Песнь 6

Ирмос: Житейское море, / воздвигаемое зря напад-
стей бурю, / к тихому пристанищу Твоему притек,
вопию Ти: / возведи от тли живот мой, Многомилос-
тиве.

Христовою окормляеми дланию благочестно, /
безбожия пучину преидосте / и ко пристанищу
тихому Вьшняя светлости, страдальцы Господни,
устремитесь.

Яко цветы, благоухают подвиг твоих, мудре, яже
паче естества одоления, / ибо Божие явился еси,
Адриане, благобно кадило, / огнем мук опаля-
емь.

Добротою веры святая твоя душа украшена,
всечестная, / и, доброту ищущи, яко войстинну
Христову безмерную, Наталие, / желания не
погрешь.

Богородичен: Всечистая Владычице, рождающая
человеком Кормчия Господа, / страстей моих непо-
стоянное и лютое утоли смущение / и тишину
подаждь сердцу моему.

Кондак, глас 4.

Подобен: Явился еси днесь:

Мученик возсия Божественная память / и зем-
ная озари вся концы светло, с веселием
зовущих: / Ты еси мучеников, Христе, радование.

Икос:

На Древе Крестнем плотию пригвожденнаго
Христа Царя возжелавше доблественно, воины, /
усердно болезни лютыя и муки страшныя претер-
пеша, / поправше идольское нечестие все и безза-
конных сопротивления низложше, / десятица сугу-

бая и трóица мученик. / Тёмже Адриан и Натáлия,
супрúг краснýй сих зряще, / поревновáша им и,
радующеся, вопиют: / Ты еси мучеников, Христé,
радование.

Песнь 7

Ирмос: Росодáтельную úбо пещь / содела Ангел /
преподóбным отроком, / халдéи же опаляющее /
велéние Бóжие мучителя увещá вопíti: / благо-
словén еси, Бóже отéц нáших.

Необорíмы якоже столпы явíстеся, Сиона Вы́-
шняго мученицы, / низложивше утверждéния вся
вражия терпéнием страдания вáшего. / Тёмже
почитаём благочéстно вáшу пáмьть прíсно.

Помóщница Адриану Натáлия яко единокóшная
от Бóга даровáся, / извличáщи углébша сегó во
глубинé прелести и уверяющи вопíti: / благосло-
вén Бог отéц нáших.

Яко многоцéнно сокровище, мученика рúку
скрýивши, / не предалá еси целомудрия твоегó
сокровища украсти тцáщимся, честнáя, / окормля-
ема рукою отцéв Бóга.

Богородичен: Священнии прорóцы провозве-
стиша, Чíстая, явлéнно та́инство честнаго рожде-
ства Твоегó, / и ныне мы, сбытия издалéча смотре-
юще, благочéстно Тя ублажáем.

Песнь 8

Ирмос: Из пламене преподóбным рóсу источил
еси / и праведнаго жéртву водою попалил еси: / вся
бо творíши, Христé, тóкмо éже хотéти. / Тя
превозносим во вся вéки.

Огнём мучéния всесожигаеми, / нечéстия пла-
мень весь угасíte кровью вáшими, страда́льцы,
зовúще: / Тя превозносим, Христé, во вся вéки.

Жены чúдныя кто не удивíтся сущия к Бóгу
любви? / Яко возненавиде желáние плотскóе / и
супрúжника увéри чести и слáвити Христá во
вэки вся.

Посрамив безбóжных сýетства и возжелав Хри-
стóву красоту, / столп благочéстия вёрным был
еси, мучениче, страстотéрпче Адриане всебла-
жённе.

Богородичен: От Свѣта Светодавца Слѡва зача-
ла осѣ / и рѡждши несказанно Пресущественнаго: /
Дух бо в Тя, Дѣво, Бѡжий вселѣся. / Тѣмже Тя поѣм,
Чѣстая, во вѣки.

Песнь 9

Ирмос: Бѡга / человеком невозможнo видети, / на
Негѡже не смѣют чѣни Ангельстии взирати; /
Тобѡю бо, Всечѣстая, явѣся человеком / Слѡво
воплощенно, / Егѡже величающе, / с Небѣсными
вои Тя ублажаем.

Удѡв сокрушеніе, лѡтых прещенія ни меч, ни
огнь, ни смерть плѡти тленныя / Христовы любвѣ
разлучити вас, славнии страдальцы, отнюд возмо-
гоша. / Тѣмже во вѣки с Ним прѣсно веселитѣся.

Свещѣ богосвѣтлы, звѣзды сияющія, свѣтѣльни-
цы, / нам свет благочестія озаряюще, солнца
славы сиянія, / чада невечерняго блаженства,
мученицы явѣстѣся Христовы всечестнии.

Источник, вод исполнен духовных, / и река,
Божественных дарований исполнена, / и чаша,
страдания проливающая токи, / пучины спасения,
мученицы, явѣстѣся, / бѣри напастей различных
нас избавляюще.

Богородичен: Мертвым востаніе нѣне
даровася / Твоим несказанным и неизреченным
рождеством, Богородице Всечѣстая: / Жизнь бо из
Тебѣ, плѡтию обложена, всем возсия / и смертную
дряхлость яве разруши.

Светѣлен.

Подобен: Жены, услышите:

Адриан всемудрый, страдальцев утверждение, /
с честною Наталіею пѣснями достойно да почтит-
ся, / с нимиже облистает мученик собор святѣй. /
Ихже свѣтлое торжество совершающе благоче-
стномудренно, / поѣм пѣснями Божественными.

Богородичен:


Иже дрѣвле ми обожению во Едемѣ позавидѣв-
ша, / томителя змѣя, Дѣво, смирѣвся во утробѣ
Твоей, Творец твѣри и Зиждитель естества / бого-
лѣпно погуби Крестом и смертию, источая ми
нетленіе.

На стихóвне Окто́иха. Сла́ва, и ны́не, Богоро́дичен.

Моли́тва

О священна́я дво́ице, святы́и му́ченицы Христо́ви, Адриа́не и Ната́лие, блаже́ннии супру́зи и до́блии страда́льцы! Услы́шите нас, моля́щихся вам со слеза́ми, и низпослы́те на ны вся благопотре́бная душáм и телесéм нáшим, и моли́те Христа́ Бо́га, да помы́лует нас и сотвори́т с нáми по ми́лости Своёй, да не поги́бнем во гресéх нáших. Ей, святы́и му́ченицы, приими́те глас моле́ния нáшего и изба́вите ны моли́твами ва́шими от гла́да, губи́тельства, тру́са, пото́па, огня́, гра́да, мечá, нашéствия иноплеме́нников и междоусóбных бра́ни, от напрáсных сме́рти и от всех бед, печа́лей и боле́зней, да в́ину, ва́шими моли́твами и предста́тельством укрепля́емии, просла́вим Го́спода Иису́са Христа́, Ему́же подобáет всякая сла́ва, честь и поклонéние, со Безнача́льным Его́ Отце́м и Пресвяты́м Ду́хом, во ве́ки веко́в. **Ами́нь.**

Мученики Адриан и Наталия вступили в брак молодыми, всего за один год до страданий. Они жили в Никомидии Вифинской при императоре Максимиане (305-311). Начав гонение, он обещал награды тем, кто будет указывать христиан и приводить их на суд. Начались доносы, и по одному из них были взяты 23 христианина, скрывавшихся в пещере близ Никомидии. Их мучили, принуждали поклониться идолам, а потом привели в судебную палату, чтобы записать их имена и ответы. Начальник судебной палаты Адриан, наблюдая, с каким мужеством переносят люди страдания за веру, как твердо и неустрашимо исповедуют Христа, спросил: «Какой награды ожидаете вы от своего Бога за мучения?» Мученики отвечали: «Такой награды, какой мы не можем описать, а ум твой не может постигнуть». Воодушевившись, святой Адриан сказал писцам: «Запишите и меня, так как и я христианин и с радостью умру за Христа Бога». Писцы донесли об этом императору, который призвал святого Адриана и спросил: «Неужели и ты обезумел и



хочешь погибнуть? Пойди, вычеркни свое имя из списков и принеси жертву

богам, прося у них прощения». Святой Адриан отвечал: «Я не обезумел, а обратился к здравому разуму». Тогда Максимиан приказал посадить Адриана в темницу. Его жена, святая Наталия, узнав, что муж страдает за Христа, обрадовалась, потому что сама была тайной христианкой. Она поспешила в темницу и укрепляла мужа, говоря: «Блажен ты, господин мой, что уверовал во Христа, ты приобрел великое сокровище. Не жаль ничего земного, ни красоты, ни молодости (Адриану тогда было всего 28 лет), ни богатства. Все земное — прах и тлен. Богу же угодны только вера и добрые дела». За порукой других мучеников святого Адриана отпустили из темницы сообщить супруге о дне казни. Святая Наталия подумала, что он отрекся от Христа и его отпустили на свободу, и не хотела впускать его домой. Святой убедил жену, что он не бежал от мучений, а пришел известить ее о дне своей кончины.

Святого Адриана жестоко мучили. Император советовал святому пожалеть себя и призвать богов, но мученик отвечал: «Пусть твои боги ска-

жут, какое благодеяние они мне обещают, и тогда я поклонюсь им, а если они не могут говорить, то зачем я буду им кланяться?» Святая Наталия не переставала укреплять мужа. Она просила его принести за нее первую молитву Богу, чтобы ее не принудили выйти замуж за язычника после его смерти. Мучитель приказал отбить святым руки и ноги на наковальне. Святая Наталия, опасаясь, чтобы муж, видя страдания других мучеников, не поколебался, просила мучителей начать казнь с него и сама помогала класть его руки и ноги на наковальню. Тела мучеников хотели сжечь, но поднялась сильная гроза, и печь погасла. Многие палачи были убиты молнией. Святая Наталия взяла себе руку своего супруга и хранила в доме. Вскоре тысяченачальник армии просил у императора разрешения жениться на святой Наталии, которая была молода и богата. Но она скрылась в Византию. Здесь ей явился во сне святой Адриан и сказал, что она будет скоро упокоена Господом. Бескровная мученица, изнуренная страданиями, действительно вскоре преставилась к Богу.

